

我

朝

聖聖相承

國史炳千秋之鑑寰宇人人

向化輿圖大一統之規喜

起明良之景運賢親樂利

亭

之休風遠超乎二帝三王
廣被乎萬方九有况近在
京畿者可緩夫記載與不
敏世居蒲坂年來筮仕金
容惟邑乘之是求當下車
之伊始葑屋茅檐最爾彈

丸之地名臣理學誠哉英
傑之區正氣鍾靈三賢崛
起太和翔洽五丈挺生致
知格物淵源接洙泗之傳
折檻批鱗奏疏壯風雲之
色干城禦侮代有名人邦

國典型端推多士敦龐成
俗負耒耜者亦皆橫經節烈
是崇舍生者莫不喻義試
看巾幘丈夫直使鬼神可
泣不讓鬚眉男子允宜俎
豆維虔讀鴻文則字字珠

璣咏雅什則篇篇錦繡至

衛民生者厥惟食貨若示

懲勸者更紀災祥亦俱卓

爾可觀莫不秩然就緒矣

夫惟代遠年湮編殘簡斷

亥豕魯魚旣多其誤鼎新

革故厥少聿修詢諸君衆
口之僉同喜前令我心之
先得雖規模居然草創而
潤色尙待裁成商諸同邑
紳士敦請重三王公酌古
準今可幸師承之有自揚

風挖雅不同文獻之無徵
儒林冠冕才學識獨擅其
長宦海浮沉清慎勤我愧
皆短乃修適館授餐之儀
必定信今傳後之本比事
屬辭絲絲不紊分門別類

井井有條上下千百年之
掌故朗若列眉縱橫數十
里之版圖恍然奪目疑當
闕如郭公夏五遠取法乎
春秋善必褒卽匹婦風微
評仍加以月旦旁搜博採

諸公旣盡其勞隳舉廢修
一邑幸成此典庶幾言孝
勸忠永作斯民之坊表豈
等能詩善賦僅爲本地之
風光也哉聊書數語於簡
端以識一時之顛末云

龍飛咸豐七年歲次丁巳閏五
月二十五日書於容城官
署

誥授奉政大夫

欽加同知銜知直隸保定府容
城縣事加二級永濟裴福

德謹撰

月

續修容城縣志序

我

國家締造既定而後崇尚

文治聿舉史事令各州郡

屬邑共訂志乘以備輶軒

之採擇他邑廢闕蒐輯或

難惟容城志明隆慶間李
使君創之一修於萬厯蔣
使君再修於崇禎胡使君
而付其藁於徵君孫鐘元
先生故

國朝河陽趙公表章釐正

之功不踰月而卽報成事
嗣越百年北齊王公復任
修纂容城一志可云燦備

人存政舉不信然與北齊
王公引昌黎之言曰莫爲
之前雖美弗彰莫爲之後

雖盛弗傳若然凡吾民之
田廬有待於疏闢徭賦有
待於劑平文教有待於振
興戎伍有待於修備以及
植立之人才有待闡揚漸
替之風化有待轉移手尺

寸之柄者莫不貴因其勢
順其宜規其重輕緩急一
一講求布置以爲斯民涵
濡於

樂利之世休養於

郅平之年抑豈獨有事於